

Pulmonary Atresia

Setshwantsho:

1. Balofa ya Pulmonary e kwalehile kaofela/ ha e a hola.
2. Pelo e nyane e ka ho le letona le balofa ya tricuspid.
3. Lesoba le nyane ho atrial septum.

Tlhaloso:

Ke eng?

Ho Pulmonary Atresia, ha ho na lesoba pakeng tsa pelo e ka lehlakoreng le letona le dipeipi tse jarang madi ho ya matshwafong. Madi ha a kgone ho kena matshwafong ho tswa pelong e ka lehlakoreng le letona jwalo ka ha a lokela.

Ha sena se etsahala ho lokela ho ba le masoba a mabedi kae kae pelong a dumellang madi ho tsamaya. Ho ka nna ha ba le lesoba leboteng le pakeng tsa diphaposi tse kgolo tse pompang (ventricles) le kapa lesoba leboteng le pakeng tsa diphaposi tse bokelletsang (atria).

Pulmonary Atresia ke bothata bo batlang bo fumanwang ka sewelo, bo hlahang ka ho lekana bashemaneng le bananeng.

Ditlamorao tsa yona ke dife?

Ha ho motho ya ka phelang ha madi a sa fihle matshwafong, jwale ho lokela ho ba le tsela e nngwe eo ka yona madi a tla fihla matshwafong. Sena hangata ke ka peipi e kopanyang peipi e isang madi mmeleng le matshwafong. Peipi ena ka tlwaelo e a kwaleha nako e kgutshwanyane ka mora hore lesea le behlwe, dipelong tse tlwaelehileng sena ke ntho e lokileng empa kgetlong lena lesea le ka se pholohe ha e ka kwaleha. Moriana o bitswang Prostaglandin E1 o fuwa lesea mme o boloka peipi e bulehile ho fihla oporeishene e etswa. Masea ana hangata a kula haholo.

E alafuwa jwang?

Moriana (mohl. Prostaglandin E1) o ka fuwa lesea hang kamora ho behlwa ho boloka Patent Ductus Arteriosus (lesoba le pakeng tsa diphaposi tse pedi tse nyane tse bokelletsang madi tsa pelo) le bulehile. Ooporeishene e a hlokeha ho fa madi tsela ya ho fihla matshwafong. Tjhupu e kenngwa pakeng tsa pulmonary artery le aorta ho dumella madi ho phallela matshwafong. Le ha ho le jwalo, oporeishene ena ke ntho ya nakwana feela ho pholosa bophelo ba lesea le ho le dumella ho hola mme ho ye ho etswe oporeishene ya tokiso e e etswang hang ha lesea le se le hodile.

Mofuta wa oporeishene o etswang o itshetlehile ho ya ka maemo a pelo ya ngwana k among. Tse ding di bobebe ho di lokisa mme tse ding di boima. Ngaka e tla hlalosa dikgetho tse fapaneng tse teng bakeng sa ngwana ho itshetlehlwe ka se fumanweng.

